

[www.BibleForChildren.org](http://www.BibleForChildren.org)

# Añanar 3



Ga xucak eno, asoŝan an yël kënjo  
asoxari arexëm an oŵac or «Xawa»,  
mëne ngën «Abëngw», gayikwa mën  
ex nëm ir dek bër kë liyand bën.



Andën anj ebax emacar end siti bax  
nëmëc gër dek oŵacar obapuỹ or  
bay këbi Axwën Kaxanu ol. Akey  
amat, ga sëka këño asoxari an, ãëka  
këño: «Kaxanu dëñ nde rek: “Wën  
këren yambënd na dek batëx band  
gër andëda bañ?”»




Asoxari an yaka  
këno andën aŋ: «Biyi  
axor xor këmi mi  
yambënd batëx band  
gër andëda baŋ. Barikan atëx and hik  
mërëxand gër andëda aŋ, Kaxanu ga re ko:  
“Wën këren yambëd na,  
këren kwixwëtađ na.  
Ga yamb yamb kën,  
and kën şës ex de!”»



Ata andën anj fel  
këno asoxari an:  
«Adokiņ an cës na!

Barikan Kaxanu ga nang  
ko mëne yatir kën yamb,  
bangës bandewën baņ kë watëra.

Ata en gi ang Kaxanu fo,  
en nang enjekax enj do  
gë eñëņënax enj.»



Asoxari an wat ko mēne atēx aŋ anēnga  
kē nēnga eyāmb el ga yek ako owati ol.  
Ga ŷandi kēŋo onangēran or kē yēlēnd  
ol, xwēca ko do ŷamb ko. Yēl kēŋo icēn  
indexēm ind xetēna baŋo iŋ; mēŋ bēte  
ŷamb ko. Ata bangēs bandebēn baŋ  
watērak ga fodēt  
kēbi, ata nang kēni  
mēne tēb gē beman  
beŋ hi kēni. Ban kēni  
opat od  
andan do  
xura kēni.





Axwën Kaxanu ga  
kënjo ñac asoŝan an, ñëka kënjo:  
«Feye wa hi këy?» Mënŷ yakaw ko: «Ga wëlëgu këmi  
gër andëda, ata yëdara këme gayik tëb gë eman enŷ hi  
këme, awa mënŷ ñafaxën këme.»





Axwën Kaxanu

re ko: «Noÿo wa nangën ki mëne  
tëb gë eman enj hi këy? Ba yamb këy nde atëx and  
šëban bami eyamb aŋ?»





Yakaw ko asoŝan an: «Asoxari ar wëlanëgu këye an, yël ke atëx aŋ, do yamb këme.»

Axwën Kaxanu wëka këŋo asoxari an:

«Ineŵa rixën këy eŋo?» Yakaw ko

asoxari an: «Andën aŋ yifa ke, do yamb këme.»



Axwën Kaxanu wãy kēbi asoŝan  
an do gē asoxari an eni can andēda  
and Eden aŋ, do asoŝan an exo  
ñanënd ebar ed gēr ed  
nēcētēgu kēŋo el.





And w̃aỹ kēbi bela aṅ, Axwēn Kaxanu  
xwēt kēbi gand apēn-eñan and  
andēda and Eden Ocerubenṅ do gē  
duxuma ir gē okodux ir kē  
șenarand. Mondako șēng ko  
fēña ir gēr atēx  
and kē yēlēnd  
aniyan in.




Ga xucak eno, Adam, asoŝan an, nangër këni gë  
alindaŵ Xawa. Alindaŵ hi ko gë acël, rëŵ këno itoŝan,  
do ŵac këno Kaÿe. Gayikwa are re baxo: «Ala rëŵ  
këmo, gë edëca ed Axwën Kaxanu el.» Rëŵ këno bëte  
itoŝan, abinëm ar Kaÿe, do ŵac këno

Abel. Abel hi ko axwël

ar obeci do gë  
opeÿ, do Kaÿe  
hi ko aÿan.




Ga niyitarak, Kaÿe wëlan këno Axwën  
Kaxanu şadaxa ir er xana baxo gër ebar in.  
Abel mën bête, wëlan këno şadaxa ir  
bëñanar bënd oyel orexëm, gë onil  
ondebën ak. Axwën Kaxanu nëngan  
këno end Abel eñ, do xana ko şadaxa  
irexëm in.




Bari aņo nēngan bana end Kaļe eņ, do axo kana bana šadaxa irexēm in. Ata Kaļe xoļ ko mbaņ, yēņēnin ko dēxas irexēm in.



Kaýe yeyaneli këňo Abel abinëm, ga hi bani gër apuỹ,  
Kaýe wëlën këňo Abel abinëm, do law̃ këňo.



Ata Axwën Kaxanu wëka këño Kaÿe: «Feye exo abinëx Abel?» Kaÿe yaka ko: «Ame nang ex na. Ba wëno nde ex anëkona ar abaÿe an?» Ata Kaÿe ga xani ko eño ñawëta Axwën Kaxanu, yë ko lëgëx ko gër ebar ed Nod, gand apën-eñan ed andëda and Eden.





Adam, asoŝan an, nangër këni gë alindaŵ Xawa.  
Ata Xawa rëŵ këño itoŝan, do ŵac këño Set.  
Gayikwa are re baxo: «Kaxanu yël ke itoŝan,  
exo bët gër ed ebaxo Abel,  
ir laŵ këño Kaÿe.»



Adam liya ko bëniy okeme ocongotas and rëw këno Set  
aŋ. Rëw këbi bëte bëtoŝan do gë bëtoxari.  
Ata ga sëk këno bëniy okeme ocongonaŋ  
gë ofëxw osas, Adam ŝës ko.



Axwën Kaxanu wat ko mëne eñëñenax end  
bani rind bela gër ebar enj axuri xurik.  
Er xëñ bax gër oñëkw orebën wayët  
banjëlan bañëñenax fo.



Ata re ko Axwën Kaxanu: «Ebar el këme fat eni dëxëtaxën bela bër bay këmëni bën. Afat këme fat gë bela ak, gë oyel ak, gë banjën ak, do gë oşël ak. Gayikwa dek şena ke er bayfaxën bamëni in.»



Barikan Nowe êot ko oyekax or Axwën Kaxanu ol.  
Nowe mën, ocambenjar otas rëwñ babi:  
Êem, gë Xam do gë Yafet.



«Gayikwa Kaxanu mbaŋ ñan këbi  
bela bër gër ngwën ro bën, mën  
yëlxën këbi Asëñiŵ ar tañ arexëm  
an, do ar këŋo xwëta yo exo cot  
aniyan and din aŋ.»



Bërom 3:23 Gayikwa epitëndër ax gi ex na: bela bën dek  
wënan këno Kaxanu, do mënj hawëtaxën këbi enjaran  
endexëm eņ.

Bërom 6:23 Acosa and ar watak edi ed beñëņënax aņ ecës  
el ex. Barikan, er ko yëlënd ayël fo Kaxanu in ex, aniyan  
and din and pab gë ebar ed bar kën gë Yesu Kërisët,  
Axwën arebi el.

Bëşëwif 9:27 Ala an amat fo ko şësënd, ata Kaxanu eņo  
kiti.

Bëhefes 2:8,9 Enimin, wën ga xwëta këno Kaxanu  
fexëanaxën këņun gë oyekax orexëm ol. Eņo oyël orexëm  
ex, ax gi ex na er feyët kën gë andewën. Awa gayikako ax  
gi ex na në end benjekax bend ri kën gë andewën fexaxën  
kën, ala ax kor na exo daf na.



Bërom 10:9,10 Enimin, angëmëne, gë etëy edey el dëŋ, këy reyand mëne Yesu ex Axwën an, do angëmëne gë emëkw edey el, axwëta xwëta këy mëne Kaxanu axanin xanin këŋo gër ecës, afex këy fex. Gayikwa and ko wã ala gër emëkw aŋ ko hind ar ŝenene gër ogës od Kaxanu, and ko reyã gë etëy edexëm aŋ ko fexënd.

Ŝaŋ 3:16,17 «Gayikwa Kaxanu mbaŋ ñan këbi bela bër gër ngwën ro bën, mëŋ yë laxën këbi Asëñiŵ ar tañ arexëm an, do ar këŋo xwëta yo exo cot aniyã and din aŋ. Enimin, Kaxanu ebi pexë naxën bela bën la wënëgu këŋo Asëñiŵ arexëm an gër ngwën ro, ax gi ex na ebi nëpaxën.»

1 Ŝaŋ 5:11-13 Watin er ex osede olo in: Kaxanu yël këbo aniyã and din aŋ do aniyã aŋo gër Asëñiŵ ex. Ar bar këni gë Asëñiŵ ar Kaxanu an kë ŝotënd aniyã aŋ, bari ar ani bare ex na an, axo cotënd na. Eŋo këmun yëgwënë lind en nangaxën mëne aŝot ŝot kën aniyã and din aŋ wën bër xwëtak o wãc or Asëñiŵ ar Kaxanu bën.





# Añanar 3 – 6

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Oniyan NT (bsc) © 2016, Wycliffe Bible Translators, Inc. All  
rights reserved.

<https://live.bible.is/bible/BSCWBT/GEN/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

